

小爾雅總目

廣詁

廣言

廣訓

廣義

廣名

廣服

廣器

廣物

八  
目  
錄

廣鳥

廣獸

廣度

廣量

廣衡

目錄終



國家圖書館, NATIONAL CENTRAL LIBRARY, TAIWAN, R.O.C.

小爾雅

漢 魯人孔鮒著 潘之淙閱

廣詁一

淵懿遠願深也封巨莫莽艾祁大也頒賦鋪敷布也  
 蓋戴燾蒙冑覆也鐘崇府最積灌聚櫟叢也閱搜履  
 龙具也攻爲話相旬宰營匠治也蠲被裡屑潔也勿  
 蔑微曼末沒無也隆巢岸峻高也逼尼附切局隣傳  
 戚近也邵媚旨伐美也賢哀繁優饒夥多也幾蔡模  
 臬法也蔡取著龜義亦法也爰換變質交更易也生造奏詣進



也索寒探哀鈎掠採略也開徹接通達也固歷彌宿  
 舊尚久也彌愈滋強益也赫敦爽曉昕著讚曙明也  
 皆附襲就因也封畛際限疆略界也承第班列次也  
 戶峻格扈止也戶取其闔礙峻取幽曠闇昧冥也最  
 冗官質要也疆窮充竟也而乃爾若汝也控轡挽引  
 也承贊涼助佐也尋由以用也要捷集載成也肆赴  
 捷疾也造之如適也掇督撫拾也肆子燼餘也拓斥  
 啓闢開也杜實充物塞也實物滿也獎率勵勸也勒  
 勉事力也經屑省過也闕缺閒隙也迭遞交更也潛  
 剋沒滅也玄黔驪黝黑也縞皓素白也彤特緼朱也  
 淫溢沉滅沒也載功物事也

廣言二

晏明陽也盱晏晚也笑麗數也窆艾老也僉皆同也  
 交校報也舒布展也揚翥舉也索略求也奚害何也  
 里度居也周浹匝也充該備也列厥陳也韞輶輿也  
 廢措置也駕乘凌也收戢斂也禁錄也掌司主也偏  
 贅屬也麗著思也載略行也沓襲合也抵享當也庚  
 徹通也修舒長也校戰交也謁復白也勃質正也商



茂末也延衍散也未沒終也此辨別也菲涼薄也復  
 旋還也祖翼送也走叩我也性命孥子也諧籲和也  
 俊寤覺也憾猜恨也艾盡止也攔忿也奸犯也汨猶  
 亂也縮續抽也暨捷及也苞跋本也肆臬極也睇題  
 視也犯肆突也束縻縛也肆從逐也放投棄也莽蕪  
 草也暴映晒也焮也晞焮乾也廸跡蹈也衍演廣也  
 衰從長也荷揚擔也仍再也徇歸也工官也稽考也  
 顛殞也躋陞也戕殘也勦截也辟除也恩患也譴責  
 也間非也順退也抗禦也斬取也虫戲也褊狹也碁

忌也沮疑也虧損也毀壞也判散也蔽斷也交俱也  
 俘罰也夷傷也积害也締閉也靡細也辨使也牧臨  
 也嘗試也賴羸也若乃也嗟發聲也奏為也振救也  
 庸償也賈償也贍足也曹偶也麗兩也驟數也逞快  
 也越遠也姑且也寄可也釋解也庸善也荐重也登  
 升也勵勉也赫顯也躋是也不莊也佞才也暨息也  
 話言也愿謹也丰豐也都盛也腆厚也肆緩也競逐  
 也紀基也碁忌教也整願也憇強也薄迫也燁炊也  
 資取也質信也餽饋也憑依也藉借也際接也閱限



也廬寄也萃集也遙倅也尤恠也嘗慚也索空也素故也視此也惶往也矜惜也狃怵也覬望也何任也御侍也殿慎也選擇也宣示也

### 廣訓三

諸之乎也旃焉也惡乎於何也烏乎吁嗟也吁嗟嗚呼也有所嘆美有所傷痛隨事有義也無念念也無寧寧也無顯顯也不承承也不肖不似也繩之譽之也詰朝明旦也遐不黃耆言壽考也公孫碩膚德音不瑕道成王大美聲稱遠也鄂不韡韡言韡韡也我從事獨賢勞事獨多也魴鱖甫甫語其大也麇鹿麇麇語其衆也海物維錯錯雜也雜毛曰毳雜彩曰繪雜言曰隉

### 廣義四

凡無妻無夫通謂之寡寡夫曰鳧寡婦曰嫠妾婦之賤者謂之屬婦屬逮也逮婦之名言其微也非分而得謂之幸詰責以辭謂之讓男女不以禮交謂之淫上淫曰烝下淫曰報勞淫曰通不直失節謂之慙慙愧也面慙曰慙心慙曰慙體慙曰遂



廣名五

諱死謂之大行死而復生謂之大蘇疾甚謂之陪請  
天子命曰未可以戚先王請諸侯命曰未可以近先  
君請大夫命曰未可以從先子空棺謂之櫬有尸謂  
之柩饋死者謂之賵衣服謂之襚埋柩謂之殮羊至切  
殮坎謂之池壙謂之窆下棺謂之窆填窆謂之封宰  
冢也壘塋也無主之鬼謂之殤

廣服六

治絲曰織織繒也麻苧葛曰布布通名也繡綿也絮

之細者曰繡繒之精者曰縞縞之麤者曰素葛之精  
者曰絺麤者曰絺在首謂之元服弁髦太古布冠冠  
而敝之者也題頭也顛顏額額也璽謂之印紱謂之

綬襜褕謂之童容

亦云蔽膝

布褐而紩之謂之藍縷

紩縫也

袴謂之褰蔽膝謂之裨帶之垂者謂之厲大巾謂之  
幕覆帳謂之幄幄幕也簀床第也大扇謂之翬杖謂  
之柅鍵謂之籥亦作鑰棋局謂之奕在足謂之履屨等  
者曰達履謂之金舄而金紉也

廣器七



射有張布謂之侯侯中者謂之鵠鵠中者謂之正正  
方二尺正中者謂之藥藥方六寸棘戟也鉞鉞斧也  
干版盾也戈句子戟也禁倪結切  
版房越切刃之削謂之室室  
謂之鞞鞞秘鞞之飾也矢服謂之弣小船謂之艇艇  
之小者曰舩船頭謂之舳尾謂之艫楫謂之橈車轅  
上者謂之轆轅謂之輶軫謂之枕較謂之幹衡扼也  
扼上者謂之鳥喙纒纒縵也縵索也大者謂之索小  
者謂之繩詘而戾之爲絳膠而紕之爲纆埒地也墉  
墉謂之陴高平謂之太原汪池也水之北謂之汭澤  
之廣謂之衍

廣物八

藁謂之稈稈謂之芻生曰穀謂之粒菜謂之蔬禾穗  
謂之穎截穎謂之銍拔心曰摠拔根曰擢把謂之秉  
秉四曰筥筥十曰穰棘實謂之棗桑之實謂之葚柞  
之實謂之椹

廣鳥九

去陰就陽者謂之陽鳥鳩鴈是也純黑而反哺者謂  
之烏小而腹下白不反哺者謂之鴉烏白項而羣飛



者謂之燕鳥白脰鳥也鴉鳥鸞也鸞斯也亦日鸚鵡

### 廣獸十

豕彘也彘猪也其子曰豚豕之大者謂之豨小者謂之豮鳥之所乳謂之巢鷄雉所乳謂之巢鹿之所息謂之潛潛椽也積柴水中而魚舍焉

### 廣度十一

跬一舉足也倍跬謂之步司馬法六尺為步四尺謂倍跬乃其大略之仞倍仞謂之尋尋舒兩肱也倍尋謂之常五尺謂之墨倍墨謂之丈倍丈謂之端倍端謂之兩倍兩謂

之疋疋有謂之束

禮玄纁五兩以兩為束每束兩兩卷之二丈雙合則成疋凡十卷為

五束以應天九地十之數與此制異焉

### 廣量十二

一手之盛謂之溢兩手謂之掬掬四謂之豆豆四謂之區區四謂之釜釜二有半謂之藪藪二有半謂之缶缶二謂之鍾鍾二謂之秉秉十六斛

### 廣衡十三

二十四銖曰兩兩有半曰捷倍捷曰舉倍舉曰鈔鈔謂之緩二緩四兩謂之斤斤十謂之衡衡有半謂之



小爾雅  
秤秤二謂之鈞鈞四謂之石石四謂之鼓

小爾雅終

國家圖書館, NATIONAL CENTRAL LIBRARY, TAIWAN, R.O.C.